

Upernivik aqutsiveqarfimmi inuutissarsiutigalugu qassusersorluni aalisarneq pillugu Avannaata Kommunianut ileqqoreqqusaq

Aalisarneq pillugu Inatsisartut inatsisaat nr. 18, 31. oktober 1996-imeersumi § 23, imm. 2 aamma § 33, imm. 2, kingusinnerpaamik Inatsisartut inatsisaat nr. 28, 28. november 2016-imeersumi allanngortinneqartoq, aamma Sinerissap qanittuani qaleralinniarneq pillugu Namminersorlutik Oqartussat nalunaarutaat nr. 11, 28. august 2014-imeersumi § 10, imm. 2 malillugit aalajangiunneqarput:

Atuuffia

§ 1. Upernivik aqutsiveqarfimmi, 71° 30'N -ip avannaani, aamma 75° 00'N-ip kujataani sineriammit sumiiffiusumi, aamma aalisartoqarfimmut tunngavigisatut killingisat avataanni sømilit pingasut tikillugit nassuiardeqartutut inuussutissarsiutigalugu aalisarnermut ileqqoreqqusaq atuuppoq.

Inuussutissarsiutigalugu qaleralinnut qassusersorluni aalisarneq

§ 2. Qaamatini februaarimi, martsimi, apriliimi, maaji aamma oktoberimi, novemberimi ilanngussaq 1-imi sumiiffit nalunaarsukkat avataanni inuussutissarsiutigisatut qassusersorluni qaleralinniartoqaqqusaavoq.

Ataatsimoorussatut aalajangersakkat

§ 3. Ukiuunerani sikoqarnerata qassusersorluni aalisarneq ajornartorsiortissappagu najugarisami peqatigiiffinni tusarniaareernermigut qassusersorluni aalisarneq communalbestyrelsip matusiffigisinnaavaa

Pineqaatissiissutit

§ 4. § 2 aamma § 3-mik unioqqutitsinerit akiligassinneqarnermik arsaarinnissuteqarnermillu nassataqartitsisinnaapput.

Imm. 2. Imm. 1 malillugu akiligassiissutit Kalaallit Nunaanni pinerluttulerinermut inatsimmi malittarisassat malillugit inatsisitigut inuttut naatsorsuussanut akileqqusaasinnaapput.

Atuutilernera

§ 5. Ileqqoreqquusaq una nalunaarutigineqareernerata kingorna ingerlaannaq atuutilerpoq.

Imm. 2. Taamaalinerani Upernavik aqutsiveqarfimmut atuuttoq Qassusersorluni qaleralinniarneq pillugu Qaasuitsup Kommunianut ileqqoreqquusaq 6. september 2011-meersoq atorunnaarsinnejarpooq.

Avannaata Kommuniani Kommunalbestyrelsi, ulloq 16.12.2020.

Palle Jerimiassen
Borgmesteri

Aqutsiveqarfimmi Upernavik inuussutissarsiutigisatut qassuserlunilu aalisarneq pillugu Avannaata Kommuniata ileqqoreqquusaq aalajangersarnejarpooq.

Namminersorlutik Oqartussat, ulloq 10.02.2021.

Jens Immanuelsen
Aalisarnermut, Piniarnermut Nunalerinermullu Naalakkersuisoq

Namminersorlutik Oqartussat

Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviit
Naalakkersuisut